



Broj: 03-04-02-25003-1/20  
Sarajevo, 17.09.2020.godine

**STRUČNA SLUŽBA VLADE**  
**KANTONA SARAJEVO**  
gđa. Mersiha Šabaredžović-Klačar, sekretar

**PREDMET: Odgovor na zastupničku inicijativu zastupnika Aljoše Čampara, dostavlja se –**

**VEZA: Akt Službe za skupštinske poslove, br. 15-04-25003-1/20 od 29.07.2020. godine**

Skupština Kantona Sarajevo je na sjednici održanoj dana 28.07.2020. godine, na prijedlog zastupnika Aljoše Čampara, donijela Zaključak kojim se prihvata Inicijativa zastupnika Aljoše Čampara da Vlada Kantona Sarajevo predloži model *po kojem bi studenti zlatne značke, studenti generacije i nagrađivani studenti imali prednost pri zapošljavanju u institucijama, javnim preduzećima, javnim ustanovama, upravama, zavodima itd.*

S tim u vezi, Ministarstvo pravde i uprave dostavlja sljedeći odgovor:

Ministarstvo pravde i uprave Kantona Sarajevo cijeni opravdanom inicijativu po kojoj bi studenti zlatne značke, studenti generacije i nagrađivani studenti imali prednost pri zapošljavanju u institucijama, javnim preduzećima, javnim ustanovama, upravama, zavodima itd.

S obzirom da je ovo ministarstvo u julu 2020. godine već provelo konsultacije o Prednacrtu Zakona o izmjenama i dopunama Zakona o državnoj službi u Kantonu Sarajevo, predmetnu inicijativu će uzeti u razmatranje u toku javne rasprave o Nacrtu Zakona o izmjenama i dopunama Zakona o državnoj službi u Kantonu Sarajevo, a u smislu pronalaženja načina i modaliteta da se ista utvrdi u kantonalnom zakonu.

U vezi sa dostavljenom inicijativom, Ministarstvo smatra potrebnim napomenuti da su jedinstveni kriteriji i postupak izbora i prijema pripravnika u organe državne službe Federacije Bosne i Hercegovine i druge organe i službe iz člana 74. Zakona o državnoj službi u Federaciji Bosne i Hercegovine uređeni Pravilnikom o jedinstvenim kriterijima i postupku izbora i prijema pripravnika sa visokom stručnom spremom u organe državne službe Federacije Bosne i Hercegovine ("Službene novine Federacije Bosne i Hercegovine", broj 4/13), kojim su kao kriteriji



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1



za izbor pripravnika u organe državne službe utvrđeni: prosjek ocjena završenog studija, trajanje nezaposlenosti nakon sticanja diplome visoke stručne spreme i invalidnost.

Navedeni pravilnik primjenjuje se i prilikom izbora i prijema pripravnika u organe državne službe Kantona Sarajevo, a temeljem Odluke o davanju suglasnosti za obavljanje poslova koji su Zakonom o državnoj službi u Kantonu Sarajevo povjereni Agenciji za državnu službu Federacije Bosne i Hercegovine i Odboru državne službe za žalbe ("Službene novine Federacije Bosne i Hercegovine", broj 90/16), kojom Agencija za državnu službu Federacije Bosne i Hercegovine za potrebe Kantona Sarajevo, između ostalog, provodi i procedure upošljavanja državnih službenika.

Uzimajući u obzir naprijed navedeno, te član 8. Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19) koji propisuje jedinstvo sistema državne službe, a posebno jedinstvo procedura i kriterija za prijem u državnu službu, Ministarstvo će uložiti napore da inicira izmjenu pomenutog federalnog propisa koji uređuje kriterije i postupak izbora i prijema pripravnika u organe državne službe, kako bi se stvorile pretpostavke za implementaciju inicijative.

Obradio: Dino Mešić 

S poštovanjem,

Dostaviti:

1. Naslovu;
2. a/a.



**MINISTRICA**

**Mersa Kustura dipl. pravnik**



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba);  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1

